

C6 Isključime



O njamcicko bokseri, o Johann Wilhelm Trollman – leskê amala akharenas les „Rukeli“- njerisardja ando bêš 1933 le boksosko šampionato, pe dopaš-phari kategorija, kontra o Adolf Witt, kaj sas pe kodja vrjama šampiono. Anda kodja, kaj o Trollman biandilo ande 'k Sintongi familija, či kamle le boksoskê sudije te priznajin lesko njerimos taj či priznaisarde o rezultato. Numa pala publikakê protestur paŕugle von peski decizija. Ali oxto djes palal khosle von pale le Trollmanosko titlo, kaća data vašobeče anda lesko „čořivano xaraktero“. Phandade les taj angêrde les ande 'k KZ. Marturur mothon, kê kote musaj sas te marel pe permanentno boksoskê marimatanca kontra manuš kata SS. Ando bêš 1944 mundarde les ando Wittemberge, ande 'k čikno pašutno logori kata o baro KZ Neuengamme.

1910

1951

1928

💡 Žanglen tumen

...kê već ande l' 1930-utne bêš sas le Trollmanos jekh khêlutno boksosko stilo aj vorta kodole khêlutne boksoskê stilosa, avilo o Cassius Clay (Muhammad Ali) bêššenca palal boksosko šampiono?

...kê tek 70 bêš palal khoslja le Njamcoski Boksingoski Asociacija kaća xoxamni decizija taj priznajisardja ando bêš 2003 le Johann Wilhelm Trollmanos sar boksosko šampiono pe dopaš-phari kategorija?

✍ Tumari bući

Save aver sportistur xasarde pesko titulo anda 'k politikaki sama?

📷 Paj fotografija

Oficialno fotografija, savi lja o Hans Firzlaff kata o Johann Wilhem Trollman ando bêš 1928. Dokumentationszentrum deutscher Sinti und Roma, Heidelberg/Deutschland.



<https://www.romasintigenocide.eu/kalderasch/c>